

東華錄

雍正三

臣王先謙敬編

臣周潤蕃恭校

秋七月己卯諭駐紮西甯辦青海事務兵部左侍郎常壽據只丁延信奏報親王羅卜藏丹津貝勒益蘇克汪扎爾等率兵四千搶奪王額爾得尼厄爾克托克托奈等爾宜遣人勸阻令其和好若羅卜藏丹津藉此侵犯邊塞則不可不加懲治此事或爾親往和解或遣賢能官員喇嘛等往彼和解爾悉心籌畫與年羹堯商酌而行○壬午以恆德本錫俱辦理藩院侍郎事俱由理藩院郎中遷○實授年希堯廣東巡撫○癸未雲南巡撫楊名時奏巡撫衙門規禮共有五萬餘兩准留若干其餘應充公用諭督撫羨餘豈可限以科則拘以繩墨惟視秉心何如耳取所當取而不傷乎廉用所當用

而不涉於濫固不可賸削以困民亦不必矯激以沽譽若一切公用犒賞之需至於桔槔窘之殊失封疆之體非朕意也必使兵民溫飽官弁豐足督撫司道亦皆饒裕乃朕之所願是在爾等揆情度理而行之其是與否自難逃朕之鑒照也○甲申諭禮部國家祀典必貴潔誠先農壇每歲展祀且爲親耕耤田之所最宜清肅舊制園壇內有地一千七百畝以二百畝給壇戶種植五穀蔬菜以供祭祀餘一千五百畝每年交租銀三百兩以備修理開康熙四十年閒內務府撥給園頭耕種桑盛蔬菜無所從出惟向市中採買殊非潔淨精誠之意今著園頭清還地畝仍給太常寺壇戶耕種以供祭祀之需餘地一千五百畝著將內外園壇查明丈尺每種地十畝估計令其修牆若干務期加謹葺護毋致傾壞每年派滿漢太常寺少卿一員不時稽察庶壇壝精潔祀事更加虔謹

矣○命工部備造貢院內應用桌椅等器不許借用五城民間之物以滋擾害○遣官赴盛京江西湖廣糴米運京師○丙戌諭大學士等總督巡撫保題官員與例不合者部議不准行甚是其應否照伊所請補授朕自另降諭旨朕亦看保題官員之人何如耳如恣意徇私妄行保奏朕斷不准行 皇考當日亦是如此○工部議覆川陝總督年羹堯疏奏布隆吉爾地方北連哈密西接沙州去嘉峪關約五百餘里請建城一座屯兵駐守則柳溝赤金始得屏捍應如所請從之○丁亥命軍前官弁升補本旗省員缺遵員署其事○戊子諭內閣前因年羹堯奏稱趙之壇情願捐銀一萬兩往布隆吉爾地方築城效力朕念趙之壇係功臣之後若伊才具不勝知府之任道員事簡易辦捐銀敘用似屬可行若趙之壇才克勝任卽留知府用見今趙弘燮虧空庫銀三四十萬兩交

與趙之壇料理又何必另外捐銀况年羹堯啟奏築城已有張連
登王之樞等可以竣事今復遣往效力議敘似又開一捐例斷不
可行若布隆吉爾築城張連登等所捐之貲不克完工令年羹堯
密摺具奏再將情願效力者發往此朕從前諭旨也爾等票餞全
不符合將朕緊要語句俱行遺漏爾等俱係 聖祖仁皇帝委任
大臣 聖祖仁皇帝天縱生知兼之臨御日久諸事精熟爾等舛
錯之處全賴 聖祖仁皇帝改正所以不至誤事今朕臨御之初
內藉大學士外藉督撫提鎮理應諸事勤慎盡心協辦如前日本
上脫落一字事雖甚小然不得謂小事便可輕忽本章用心細閱
自無錯誤又如前日蔡珽所奏之事卽係年羹堯奏過之事爾等
又票該部議奏朕疑其或有異同照籤批發及觀部議仍是一事
何至玩忽如此朕若亦如爾等玩忽督撫本章概批依議用入一

途聽之九卿隨意保舉豈不省事但爾等可以負朕朕何忍負我

皇考之深恩乎況朕於爾等陳奏虛心採納並未有偏執之處

人非聖賢孰能無過爾等若能指摘朕過朕心甚喜改過是天下

第一等善事有何難者以箱結爲老成以退諉爲謹慎非朕所望

於爾等之意也○以史貽直爲吏部右侍郎

由內閣學士遷

○命征勦西

藏臺灣有功員弁身故者均予議敘著爲例○己丑諭戶部朕目

臨御以來勸求民瘼事無鉅細必延訪體察務期利民而於徵收

錢糧尤爲留意惟恐閭閻滋擾此念時切於懷如江西省有漕米

各州縣運糧到省又自省倉搬上軍船故有腳耗扒夫修倉補墊

等項編載全書歷來支給已久自康熙二十三年部中誤駁不准

支給行令還還嗣後一例駁追究無完解至三十四年 聖祖仁

皇帝特頒諭旨將從前已經支給者俱免追賠恩至渥也至康熙

三十八年部議又以腳耗與扒夫等項分晰未清仍令扣追不知
腳耗乃貼運之總名扒夫等項乃支給之細數實一事非兩項也
自康熙三十八年至今二十餘載應追銀五十一萬餘兩米六十
一萬餘石積累增多究無完解追比日久官民均受其累朕知之
甚悉特諭爾部將從前積欠盡免追賠向後准其支給嗣朕加惠
黎元體恤有司之意○諭署撫遠大將軍貝子延信爾遺書與額
爾得尼克爾克托克托泰等稱欽奉諭旨青海台吉皆係額實汗
之嫡孫自我朝 太宗皇帝時額實汗與達賴喇嘛和好恭順效
力至今百年蒙我 皇考施以恩寵加封名號普加庇護後經策
妄阿喇布坦敗壞黃教圖圖西藏殺害拉藏且復謀侵爾等於是
我 皇考遣發大兵同爾等送達賴喇嘛至藏振興黃教今驛下
藏丹津無故稱兵以王等不入伊黨自相侵害朕仰體 皇考眷

念願實汗子孫之意其罪未明尙不忍卽加征討已遣侍郎常壽
往問羅卜藏丹津所行情事若羅卜藏丹津知罪悔過朕當定其
是非和解爾衆仍令爾弟兄照舊居住青海如果羅卜藏丹津不
遵朕旨侵犯邊塞豈可不遣兵征勦今王之屬下人等盡被擄
竄困投至甘州朕聞之不勝惻然特遣郎中通智辦給王公並屬
下人等廩餼牲畜令從豐厚王等在彼安住不須憂慮朕斷不使
爾等稍有拮据也可如是往諭並譯蒙古文發往○庚寅諭倉場
侍郎糧運關驛國儲必須過行無阻始得及早抵通自楊村至通
州河道多有淤漲糧船起剝每致耽延以致回空凍阻並誤新漕
著該督嚴飭坐糧廳查看河道有淤淺處作速挑浚深通毋使阻
滯並知會天津總兵官用心催趕日天津一帶地方有販賣私
鹽等弊糧船不許停泊火速趨行直抵通州至通後速行起卸交

倉母得需索抑勒苦累軍丁朕去年親自閱倉知漕運過驕一晝夜可五萬袋可見交卸甚易爾等加意督催務使空船早得回南新漕亦可無誤漕務一事朕親身閱歷纖悉洞知爾等儻不盡心料理或因勒索致有遲延責無所諉○辛卯諭禮部朝鮮國歸我朝以來恪恭藩職進貢年久在 太宗文皇帝 世祖章皇帝

聖祖仁皇帝時屢次施恩將伊國貢物減免今所貢物尚多此內若有可減去者爾部會同內務府確議具奏再加減免以紓朝鮮民力尋議朝鮮貢物嗣後請酌減布八百匹纈及白張青簾皮三百張紙二千卷從之○頒賜朝鮮國王李昀段匹及使臣李穡等賞賚有差停止筵宴 上召使臣李穡進見諭曰爾朝鮮國土啟疆東土於我 太宗文皇帝時誠心隸附恪守藩封我 太宗文皇帝 世祖章皇帝視同一家恩施優渥爾國王祖父亦能仰承

厚澤奉職惟謹百年於茲矣我 聖祖仁皇帝化成久道萬國來
王念爾國君李焯幼續嗣服光紹前猷權不下移惠能撫衆數十
年來職貢匪懈用是 隆恩異數寵眷有加資子便蕃貢物頻減
病則賜之以珍藥歿則錫之以榮名 特遣近臣優頒賚賜今朕
續承大統爾嗣王李昀道爾恭進賀表朕嘉爾嗣王忱懼篤篤又
念爾係嗣王宗族特行召見以示優禮爾歸告爾嗣王繼乃祖父
之緒夙夜黽勉慎守綱維毋替厥服長爲屏翰不忘恭順克殫忠
誠朕必體 列聖怙冒宏仁俾爾遠藩保安於永久爾其識之
○壬辰禁出差官騷擾地方州縣官託名私派○總理王大臣等
議覆給事中碩塞奏八旗都統印信清文係固山額真字樣額真
二字所關甚鉅非臣下所可濫用應請改定以昭名分將固山額
真改爲固山昂邦伊都額真改爲伊都章京八旗印信改鑄從之

○署撫遠大將軍貝子延信奏額爾得尼厄爾克托克托奈之子阿拉布濟索諾木達什來稱與賊人交戰相拒六七日賊人退去領兵五百及其妻子共一千餘口來投等語臣已遣往額爾得尼厄爾克托克托奈處居住報聞○癸巳諭下五旗諸王毋許私派所屬旗人多供差使擅自苛虐治罪○派滿洲御史稽察八旗事務○甲午諭大學士等史書終紀其真而史才古稱難得蓋彰善癉惡傳信去疑苟非存心忠厚學識淹通未能定得失於一時垂鑒戒於久遠也有明一代之史屢經修纂尙未成書我聖祖仁皇帝大公至慎之心旌別淑慝務期允當惟恐幾微未協遂失其真鄭重周詳多歷年所冀得良史之才畀以編摩之任朕思歲月愈久考據愈難目今相去明季將及百年幸簡編之紀載猶存故老之傳聞未遠應令文學大臣董率其事慎選儒臣以任分修再

訪山林積學之士忠厚淹通者一同編輯俾得各展所長取舍折衷歸於盡善庶成一代信史足以昭示於無窮著將滿漢大臣等職名開列具奏○諭工部沿河州縣向有額設河夫自百名至數十名不等興工則併力濬築工停則分遣巡防損者隨補塌者隨培修搶擁護俱係熟諳夫役故雖偶有衝決不能爲患近聞管夫河官侵蝕河夫工食每處僅存夫頭數名遇有工役臨時雇募鄉民充數塞責以致修築不能堅固損壞不能隄防冒銷誤工莫此爲甚嗣後著總河及近河各省巡撫嚴飭河道不時稽察按冊覈實禁絕虛冒儻有仍前侵蝕貽誤河防者卽行指名題參○伊忒海緣事革職調吳爾泰爲盛京兵部侍郎常壽爲戶部左侍郎以伊都立爲兵部侍郎山麓事遷○以牛鈕爲兵部右侍郎由左副都御史遷○王昭度以病免以李紱爲兵部左侍郎由左副都御史遷○以李鳳翥署

兵部左侍郎

由補監寺贈署

○以薩哈布在軍前命爲額外侍郎調登德

爲禮部左侍郎轉尹泰爲工部左侍郎以薩爾納爲工部右侍郎

仍兼左副都御史○以鄂托拜爲內閣學士

由給事中遷

○己亥奉天

將軍唐保住奏虧空錢糧各官應照數追完得旨將軍唐保住將虧空錢糧之存住等參奏甚是歷年以來諸臣不知感戴 皇考

寬厚慈祥之恩轉以侵盜國帑勒索小民之事視爲故常玩法已甚不可不隨時整理此案係已往之事是以但加申飭儆三年之後仍復如是斷不寬宥爾等宜深悉朕心凡事須秉公辦理○辛丑頒 聖祖欽定孝經衍義○壬寅以隆科多王碩齡爲明史監修官徐元夢張廷玉朱軾費羅逢泰爲總裁官○甲辰以涂天相爲內閣學士

由薦事遷

○丙午諭諸王大臣及內外交武各員朕維自

古帝王治化隆盛中外臣民頌禱情殷故天保之詩卷阿之什往

往有之我 聖祖仁皇帝御極六十餘年深仁厚澤超邁百王臣
工黎庶無以致其感激愛戴之誠每於 萬壽聖節京師暨直省
各建道場誦經祝壽今朕嗣位之初夙夜祇懼所以立政圖治者
安能及 聖祖之萬一爾諸臣工於朕誕日儻仍照從前建立道
場則此後將成定例在京王公及部院等官未免從事靡文稽遲
公事在外文武大吏亦恐科派屬員貽累地方且以有用之財供
無益之費既非朕以勤儉勵有位之心又非朕以康阜期海內之
意甚無取焉特宣布中外於朕誕日毋得建立祝壽道場但冀內
外諸臣各殫厥心勉襄化理以慰朕宵衣旰食之焦勞卽不啻天
保眷阿之祝頌矣若不遵諭旨朕必加以處分不少寬貸○諭禮
部湖南士子赴湖北鄉試必經由洞庭湖湖水浩瀚無涯波濤不
測六七月間風浪尤險聞有覆溺之患朕甚惻然或致士子畏避

險遠裹足不前又非朕廣育人材之意今欲於湖南地方建立試院每科另簡考官俾士子就近入場永無阻隔之虞共遂觀光之願明年二月爲鄉試之期爾部即可行文湖南巡撫若能於二月之前豫備場屋則於明春卽分湖北湖南兩闈考試儻爲期已迫豫備不及則於下科舉行至於湖廣通省取中原有定額今既分兩闈其取中之數應如何分別之處著湖南湖北巡撫公議湖廣總督從公酌定具奏○命尚書侍郎等官每日一人輪班奏事密摺封進○以岳色爲左副都御史

山翰林院侍讀學士

○是月免陝西平涼等鹽州縣衛所康熙六十年旱災涼州古浪所屬大靖電災直隸東明縣康熙六十一年水災額賦有差

八月戊申朔李英魯緣事革職以法敏爲總督倉場侍郎

山直隸巡道

○己酉加上

列祖

列后尊諡

○諭鹽政約束商人循禮安分

嚴禁奢靡僭越○諭各省關差及崇文門稅務嚴禁胥役勒索阻滯○庚戌御史孫塔等題參戶部事件違限得旨從前戶部堂官將部中事件累百繕積怠玩不理自怡親王辦理戶部事務於展限四十日之內一切積弊剔除殆盡獎勵屬員清理數千案件甚屬可嘉即使偶然遺漏一二小事不但無庸議處其清理如許事案當應議敘察議之處著從寬免至御史孫塔等以逾限題參如此方是凡勤敏效力之人偶有過失姑從寬宥其權在朕大學士亦不得徇庇情面草率歸結至於戶部職掌皆係銷算會同稽攷錢糧之事較於別部加倍繁多非如銓選地方員弁等項可比似應稍展限期得細加察覈於事更有裨益著都察院科道將戶部事件展限歸結之處另行定議具奏尋議嗣後戶部辦理事件其本部題覆者於原限三十日外加增十日其行查會稿各衙門者

於原限三十日外加增十日如逾限不行完結照例查參永著爲

例從之○中寅諭兵部提督總兵副將等官仍照舊例不許在任

所置產入籍其參將以下俱係微員任所縱有房產亦微薄若

概勒歸原籍必致困累爾等會同九卿定議具奏尋議參將以下

等官任所置有產業或本身休致事故解退或經身故子孫居住

任所有欲在彼入籍者許令地方官報明督撫即准其入籍居住

田土丁糧與土著之民一體輸納從之○召連肖先來京以高成

齡署山西布政使

由按察使署

○乙卯兵部議覆巡視臺灣御史吳遠

禮奏請羅縣北半綫地方民番雜處請分設知縣一典史一其淡

水係海岸要口形勢險要請增設捕盜同知一應如所請從之定

諸羅分設縣曰彰化○丁巳上親書景陵碑匾復命誠親王

溥親王及休翰官善書者恭寫一幅隨召九卿及南書房翰林一

併敬閱諭 景陵碑匾事關重大誠親王溥親王素工書法朕已令其恭寫翰林中善書者亦令其恭寫朕早蒙 皇考庭訓做學御書常荷嘉獎今 景陵碑匾朕亦敬謹書寫非欲自耀己長但以大禮所在不親寫於心不安爾諸臣可公同細看不必定用朕書須擇書法極好者用之方愜朕心諸臣奏曰 御筆之妙天矩自然而仁孝誠敬之意流溢於楮墨之間正與 陵寢大事相稱 聖祖仁皇帝在天之靈實爲欣慰○戊午以兩廣總督楊琳專督廣東總督事以孔毓珣爲廣西總督仍兼巡撫事由廣西巡撫遷○己未恭上 大行皇太后尊諡曰 孝恭宣惠溫肅定裕贊天承聖仁皇后頒詔天下覃恩有差○福建巡撫黃國材奏服色僭越請分別嚴禁違者以僭妄治罪 上諭書僭之弊朕亦難知但陋習因循一旦遽然禁止若非立法嚴峻有犯無宥不能使之永遠